

重修南康縣志序

志之名肇於漢班固魏晉而後郡國  
各有志書揆其意義豈徒誌山川之  
秀麗人物之都美與夫城池寺觀古  
蹟之廢興沿革已哉其必將舉人心  
風俗之淳澆士行學術之邪正忠孝

南康縣志

五

節義之有無以及閭閻一切利弊之  
興除與否皆有以講明而切究之而  
後志書之修可傳于不朽嘉慶己卯  
春余選授康邑旋引疾未赴閱四秋  
仍宰茲土既抵省謁程大中丞諄  
諄囑以教養為急務心為佩服者久

之孟秋蒞任甫入境見其士食舊德  
農服先疇時和年豐為之色喜迨下  
車後又見差務絡繹獄訟繁興緝捕  
無方催徵乏術始悵然惕然而自愧  
才力之不逮也于是中夜以思捫心  
自問曰人心風俗何以治之士行學

術何以率之忠孝節義何以勸之興  
利除弊正本清源之法何以因時因  
地而制之于此不講勒名縣志百世  
下將以余為何如有司乎茲因大  
憲檄修邑乘邑紳首事向余索序頓  
觸鄙衷不禁言之瑣瑣也攷康邑漢

曰南楚至晉始名南康據江右上游  
為嶺北巨邑有宋濂溪先生為南安  
司理講道于此明道伊川二夫子侍  
父大中公攝倅南安從濂溪受學故  
其時教化廣被人文之盛民俗之醇  
莫逾於宋惜舊志明以前無攷惟嘉

南康縣志

王序

三

靖乙卯

國朝康熙癸丑庚寅迄乾隆十八年  
相沿續輯未經磨滅其間民風物產  
水利賦役人品節孝武事藝文諸目  
井井有條足以徵前邑宰之賢能而  
益形余之拙于政治爰於簿書暇日

蒐羅舊籍景仰前哲並仰體 大中  
丞教養之訓為撮其大旨弁數語于  
簡端若夫星野疆域氣候災祥選舉  
職官津梁邱墓蓉江蕉水之勝獨  
九日之奇禽水禽山浮石寶石之異  
同事諸君子均稱博雅必能旁搜遠

紹校正豕魚余雖謏陋不文亦願從  
諸君子之後而叅以末議克觀厥成  
焉則幸甚

道光三年九月

賜進士出身南康縣知縣光山王雅

南撰



南康縣志五修序

國之有史羅一代之典章禮樂政教  
治亂興衰以爲後世法戒者也邑之  
有志亦然自天文地輿以及人物政  
俗罔不悉備紀往卽以鑒來視都知  
野視野知國其義一也康邑之志始  
於明至

南康縣志

賴序

一

國朝康熙癸丑庚寅兩加修輯然簡編  
缺失不可考惟乾隆十八年癸酉邑  
宰葛公淳復率合邑重修其書猶存  
稱完善迄今七十載矣道光二年壬  
午欽奉

上諭命儒臣修天下一統志旋奉 撫憲  
檄飭州縣各修志送省纂修通志邑

侯灌陽劉公西陽王公先後倡率勸  
諭諄諄都人士爰集同事共襄盛舉  
往蹟仍乎前繼起登於後悉由前人  
舊章未嘗更革閱半載重鐫告竣夫  
天下之大一邑之所積也康雖嶺南  
一僻壤然地腴物阜則養可以裕俗  
樸風淳則教可以興唐以前無籍可

徵自宋以來學校聿修人文日起其  
間忠義之士節烈之賢蓋有卓卓可  
紀者分之爲一邑之志合之備一代  
之史所關非淺鮮也或謂時有變遷  
則文有損益一仍舊志可乎然古今  
文體不同闡道之文論斷各出紀事  
之文則不可以臆度班孟堅之漢書

前半則本龍門史記朱紫陽之綱目  
全編則錄涑水通鑑國史如斯況於  
邑乘前哲尚爾矧我後人自揣學淺  
識隘未必能希先輩胡爲擅作聰明  
遠事更張爲耶且志乘不在文在事  
核辭真使人一覽周知其傑出者觀  
兵農典禮之皆備名宦政蹟之胥存

慨然有志於邦國謹愿者觀鄉賢之  
碩德懿行及政事文章亦有勃然奮  
興之意而官斯邑者覽風土人情酌  
因革損益之宜得興利除害之方是  
皆志之有裨於來茲者豈徒區區飾  
詞藻誇文采之絢爛已哉書旣成爰  
述續修之由于是乎書



乾隆乙卯進士前任江蘇沛縣知縣  
署高郵州知州邑人賴相棟謹識

南康縣志舊序

吏職之當修也簿書期會已耶視媿惡以明趨擇  
弛張以制用究登耗以經物皆其大者而圖之故  
宜急也緩是而吏不可以言職稽古周官太宰以  
六典佐治其土地之圖人民之數賓興之典掌以  
大司徒又雜統於諸官而其典則掌於太史使辨  
法者考焉郡國四方之書其昉諸此乎自漢以後  
代有叙謨無慮數十家故君子不出戶庭而能上  
下古今牢籠百態以周世用者則圖籍以爲徵也  
我皇祖新命卽詔儒臣修志而總以太史蓋先之

南康縣志

先序

一

也千百年隆久亦文獻昭垂有足恃歟志不可無  
明矣南康爲邑云舊乃治乃風踵襲滋流而志缺  
焉其山川之理壤地之產俗氣之尚貢賦之常莫  
之有稽吏之所出習之所成凡其淑否之足以示  
勸戒而係人心者漫不可知則令而有思以轉移  
補缺之者已患於文獻之不足矣矧以愚編邈視  
篆之暫耶乃於癸丑春以筆率邑丞艾尚古博士  
卓光輝劉賓請修於雙峰劉公而命庠弟子員以  
相視從至是告成凡十三卷公以明進士蚤歲家  
居究心時事肆力於學益闋以遠而克養日粹且

國族於斯聞見綜確存疑瑩謬悉史氏法所論著  
皆鑿鑿根要慮於是得而讀之而知吏之易易矣  
是故志目雖多要之自翔縣以至橋梁則皆登耗  
之迹也自職官以至藝文則皆媿惡之徵也而終  
之以寺觀以備物則一邑之事盡矣視以明吏之  
趨而究之擇之制其用以經物比所以盡人之情  
而極事之變蓋一展卷而伸縮有成畫矣雖之天  
下乎何有其於吏職也不有大裨乎雙峰公暨南  
康令曾子廸謂愚署邑昔實首茲舉宜有言故不  
辭不文而颺言以識志之所始

南康縣志

洗序

二

明嘉靖三十三年歲在甲寅春三月之吉

南安府推官瓊臺竹潭洗沂謹序

南康縣志舊序

邑志旣成編夔峯山人昭文復申言之言曰茲志也耶以備一邑未成之書已乎夫奚足爲志也杞宋無徵夏殷難言茲南楚爲邑自西漢始乃漢事寥寥雖唐之中葉罔所紀述是以君子深憾焉先是郡推竹潭先公視篆茲邑欲稽往典而無從也因嘆邑無專志匪以垂訓誨日將幣以成事屬余余不敏固謝不獲乃夙夜殫心平好惡公取舍旁搜載籍而又兼聽乎故老野叟經生學子之談其所根據大率惟新舊郡乘所志之邑事而各以其

南康縣志

劉序

類節之爲圖二爲卷十有三爲目四十於是沿革之由天文地理之故民風食貨建置典禮政教之詳以及夫職官選舉名賢孝節之行咸彬彬彙見述故事而整齊之或一二訛者正之遺者續之其間增定損益者無幾如學政社學社倉兵防里社鄉厲之制余嘗竊取其義反復一篇之中三致意焉宦績有書賢不能忘也人物無所增焉公論俟久而定也書孝行者錄一節也續貞節三人焉狗衆以昭隱也詩文特志不欲以文滯事也終之以寺觀焉外邪崇正則雜說在所畧嗟夫茲惟艱

哉炫文詞者失之浮任質素者失之野尚同者博  
愛而不清懷刻者輕視而不廣是故廣而弗刻精  
而弗同文而弗浮質而弗野不怵勢利不比親暱  
不安近習不擾凡言夫然後足以述往詔來或庶  
幾夫志也余奚有一於是竊願學而未能焉余故  
曰平好惡公取舍聊以備一邑未成之書已乎或  
者曰里社鄉厲諸篇制也牌法鄉約於志例何居  
曰邑有志猶國有史所謂記事之書也然事豈有  
先於人心風俗者乎我聖祖憲天立極稽古圖治  
體井里之遺意而有里社鄉厲之制所以聯屬人

心移易風俗垂之萬世無敝者迨文具徒存民渙  
而風頽諸政之敝也亦必由之陽明王公節制斯  
士又體里社之遺意而爲之牌法鄉約焉其法約  
其治廣君子官於斯及生於斯者能舉而措之宜  
之以德意酌之以時宜行之以誠信修之以和睦  
由是而里社復焉鄉厲社學社倉兵防諸政行焉  
卽閭里之人藹然一家一體之愛而無有乎悖逆  
侵凌淫蕩忍昧之非以徵公論以成德藝以興禮  
樂以均賦役以防姦宄事固有舉其一而諸善從  
是故君子惟本之爲務不然亦奚可於志茲舉也

先公實倡厥始方屬藁而見日曾令尹茲邑募  
工鉸梓忒成厥終曾公壯年茂學雅志貞守爲政  
知大體而孚上下及梓人告成適大中丞周潭汪  
公奉命臨虔右文飭武慨然有慕於陽明先生之  
政而以民風爲首務兵憲讓溪游公省風作士秉  
政協謀郡守巖潭王公承德美而布之惟教養是  
圖所謂正人心而厚風俗固賴當路君子得我心  
之同然也然則茲志之所屬望焉者豈但託諸空  
言而已哉時同事纂修庠士賴資錦陽曜吳學夔  
奚元吉而繕寫成書則郭曰貢因併書之

南康縣志

劉序

三

明嘉靖三十四年乙卯五月旣望

賜進士第刑部陝西清吏司員外郎邑人劉昭文汝

簡誤

南康縣志舊序

郡縣之有志舊已然或缺焉而不修或修焉而不詳魯魚罔辨者失之蒙金根誤改者失之鄙甚至釘鉸贊本採作藝苑之名篇無是子虛引爲里門之賢達徒取克帙而蕪舛誕謾比比皆是求一所謂綜博而精詳者誠曼曼乎其難之今天下郡縣各輯其志上之內史趨

上命也余備乏南安承茲鉅典亟問諸郡乘而藏板湮燼無復存者杞宋無徵方惴惴焉不克竣事爲懼未幾南康陳令以其縣志十二卷貽予乃陳令

南康縣志

李序

一

蒞事九年來日與邑紳士所纂輯而叅訂者或本諸典章令甲之昭垂或訪諸縉紳耆舊之聞見旁逮荒碑稗乘有美必登無微不錄日積月累至於成書宜乎綜博精詳非務爲苟且塞責者同年語也昔人謂龍門史記有左氏國語國策呂氏春秋供其蒼葢而班叔皮之後傳虞叔寧晉書皆有所資藉故稱良史今是志蚤竣余得竊取焉集成郡乘全書用應今

天子之休命庶無難乎夫古今有治人乃有治法後之見是志者撫其城郭山川稽其遠里風俗而知

戶口何以昔耗而今增土田何以昔荒而今墾城  
垣署宇學校廟祀諸廢何以具舉則又陳令賢勞  
實績九年斯邑以來鑿鑿有不可掩者矣其有不  
觀感而興相勉於職業乎縣志梓成陳令以余職  
在守土請余一言余既幸郡志之藉是以有成而  
又多陳令之賢勞以告後之從政者遂罔飾固陋  
而弁其端如此

康熙十三年甲寅孟夏月

中憲大夫南安府知府三韓李世昌謹



南康縣志舊序

江省之有南康縣置於漢高祖之五年而名於晉太康之元年南康縣之有志修於明嘉靖之甲寅而毀於後丙戌之兵燹康熙甲辰暉奉

命蒞茲土觀二南九日之秀鯉山禽水之奇且王元渤稱爲衣冠文物之名區財賦舟車之都會知漢唐以來必多英偉特拔之士鍾山川靈氣而生應盛世昌明而出者急欲索舊志而覽之柰原板已付劫火藏本亦成冷灰爰與諸紳衿共謀修輯或錄之殘編或詢之耆老隨收隨入凡九年而始

南康縣志

陳序

一

得數帙然其間紀事弗得其詳敷文多過乎質且疑信者相半欲覓一名賢大儒細加參核而後問世柰南康雖當孔道實稱巖邑竟無有驅車下榻者夫志猶史也從來史臣修纂欽承重典莫不集思廣益共成一書猶不能使閱者不吹毛而索瘢矧一衝繁俗吏偕三五書生叅訂通邑百餘年之缺牒其不爲人所吹索也幾希故未敢輕付棗梨今幸

皇圖一統檄取天下郡縣志書纂修通誌誠大典也遂將九年來諸紳士所搜集各帙復考諸郡志以

待其要參之碑刻以訂其實凡所損益仍公同商酌至當紀事寧詳毋畧敷文寧質毋華信者傳信疑者闕疑編卷共十有二如建置疆域山川形勝關一邑之風氣自昔及今未有改也若里籍丁賦

朝廷之版章康邑肘腋虔州爲戎馬擾攘者數年及定鼎被闔賊蹂躪又數年丁口消耗者十之六田土荒蕪者三之二年來幾經招徠勸墾幸戶口遞增荒遁墾而賦遞陞庶幾無負

聖治承平之化耳至於志學校禮制以崇文教志堡

南康縣志

陳序

二

鎮塘寨以資武備志風俗以別淳澆志祥異以徵休咎志橋梁水利以資民生志職官宦績以昭政教志選舉以及節孝義烈并藝文詩賦則一邑之人物文章皆可披閱而盡也惟是均此山川均此學校而科目遜乎明其不及宋尤甚何哉論者謂文運通塞繫乎天或謂善言天者先徵諸人今學宮闕新文明應候有志之士奮然殫人事以回天意安知宋淳熙嘉定之盛不復覩於今耶凡茲所輯非敢卽爲全求聊具粉本庶後之君子欲從而續修之潤色之以此爲有藉云爾同與參訂者則

有明經郭民鉉王家琪庠士郭良工等應並書之  
康熙十二年癸丑仲秋望日

閩中陳 暉謹識

南康縣志

陳序

三

南康縣志舊序

邑乘載一邑事也而其間山川疆域之勢人物土風之奇惟環百里以內者爲能周知而稔悉焉故其視省志加詳又最確而覽風者必於是徵信也我

皇上博採方輿纂修一統志邇復遣重臣巡行海內洞悉民瘼蓋幅幘遼廓未有如

本朝者則凡所在有司體此意以承流宣化者得不以志書爲亟亟歟余衡文江右庚寅春行部至南贛試旣竣南康諸生以邑令申君新文廟請爲

南康縣志

董序

一

記以落其成余以事闕學政旣弗辭未幾又齋其新志全編來問序余曰有是哉賢令之能審所尚也獨是志之傳信也無異於史而志之取信也較難於史非有史官筆削之權豈易爲之予奪焉褒貶焉而况牧民之吏朝簿書而夕錢穀當事者勢必假手於他人唯是承訛襲僞而已雖修猶弗修也秉筆者或且師心以自用惟是粉飾藻績而已雖修不如勿修也以數十百年激揚風紀之事而供毛穎之倒持正所謂弗躬弗親庶民弗信者且不可以欺一肯耳目而又何問天下後世乎此則

從來修志之流弊而志之所以不可盡信也今申君之爲是書也既不偏於臆見亦不徇乎流俗其蒐羅軼事也多購諸舊簡其闡揚潛德也或採之窮簷公退之暇下帷懸燭校讐再四而後成編則斯志也洵乎具作史之苦心矣於以移風易俗使人回心而鄉道豈淺鮮哉吾聞申君蓋潛心理學者其爲政也務在勿欺夫勿欺則直勿欺則真此物此志矣予嘉其足當輜軒之採而可補於信史也亦不辭而序之如此至其循良之譽所爲布德施惠而行慶兆民者公論自在天下予固無庸贅也夫

南康縣志

董序

二

康熙庚寅歲中元前一日

賜進士出身提督江西通省學政按察使司僉事

陸董佩笈岫瞻氏撰

南康縣志序

嘗攷夫志者誌也凡一郡一縣之山川人物興廢沿革與夫戶口賦役文章風俗無不備載而畢誌之不獨備輔軒之採訪亦使後之觀者有以感發興起卽職斯土者取而採擇融貫焉或廢或興當沿當革考戶口之增減核賦役之重輕較文氣之醇漓察風土之厚薄施於爲政亦迎刃而解不煩餘力此志之所以作也我

皇上覃敷四海撫馭六合普天之下盡入版圖

特命儒臣纂修一統志付諸史館以昭垂不朽而凡南康縣志

遲序

一

省郡州縣靡不有志焉南安居西江上游爲百粵咽喉理學之名區人文之淵藪安得無志惟因前此者視爲不急畧而不講遂成斷簡殘編嗣因疊罹兵燹則所存斷簡殘編又盡爲灰飛烟燼矣可勝浩歎余承乏佐郡代庖府篆亟謀修輯郡乘甫竣適南康令容城申君亦以縣志告成請余一言爲序披閱之下見其考覈精詳蒐羅淹博疑者刪之信者存之闕者補之訛者訂之條分縷晰纖悉備載因掩卷而嘆曰文章政事固相通而不悖者也惟存乎其人而已申君下車以來輕刑革耗崇

本抑未授錄遺言闡揚潛德與夫修學宮建尊經閣以崇文教而文風丕振旌節孝表懿行以培風俗而風俗日醇何莫非志之所宜載而先融貫於胸次之間設施於爲政之際猗歟休哉三年有成非迎刃而解不煩餘力之明驗也歟政成而汲汲修輯成書付諸剞劂將以俾後來者之採擇融貫以施於爲政豈不綽綽然有餘裕哉是申君之心也卽余之初心也是爲序

康熙四十九年歲次庚寅中秋月

江西南安府同知署府事加三級廣寧遲維璽撰

南康縣志舊序

南康志前此無有乎曰有有則曷修曰修於嘉靖  
乙卯者已付灰燼繼此無有乎曰有有又曷修曰  
修於康熙壬子者復罹兵燹是以二志雖修而版  
籍罔存毓來偶幸承乏竊嘆往迹之易湮而懼文  
獻之無徵也視事初亟欲謀修而時有未遑邇奉  
憲府檄文督修邑乘爰蒐從前舊志得嘉靖間繕  
本重加訂次復爲網羅近事遴集同志矢公矢慎  
經幾敲駁而後成書茲出問世而僭爲序曰古者  
自王朝以迄列國皆有史官以記言與事而史於

南康縣志

申序

一

是乎重固得失之林而法戒所從出也今之郡邑  
猶古之邦國是邑之有志猶國之有史也三代以  
降司馬子長倣古記言之體作八書至班孟堅易  
書爲志魏晉隋唐諸書皆宗之然則今之志雖具  
史之一體而慎取舍公是非未嘗不與國史相爲  
表裏也志顧不重乎哉南康故嶺北壯邑爲先儒  
講道過化之區自宋濂溪元公爲南安司理維時  
明道純公伊川正公侍其父大中公攝倅南安因  
學於濂溪所謂吟風弄月以歸者實在茲土至蕪  
文志南遷還訪田氏九經堂而賦詩以志懷又聞



玉巖先生名而與之遊贈詩題像爲別其遺跡猶  
有存者且自宋政和迄紹興數科中掇南官者二  
十餘人何其盛也故至今處南人文惟康邑尤著  
云顧惟邑乘久缺而文不足徵一時爲政者末由  
察其風謠相其土宜覘其氣候周覽其山川經理  
其疆域考正其貢賦雖欲因地以成化隨俗以致  
理將何道之從耶予旣考閱舊志得其形勝之槩  
間嘗登城四眺見夫二南拱前九日枕後吳流西  
滌秀峰東峙章江會貢水以北注岨嶺且崆峒而  
南屏是其山川必磅礴鬱積滌迴蜿誕故能固東

南之靈氣蓄造物之秘藏而非他邑之可頡頏也  
士之孕精毓秀於其間者恍然於人傑地靈挺自  
振拔其以爲千百年不朽之人而聲流史冊者正  
自有在也彼夫濂溪姚江諸君子俎豆不祧固矣  
爲問田處士陽秘閣諸風流猶有存焉者乎念典  
型之尚存思音徽之未遠蓋不禁爲之低徊流連  
也今幸世際昇平四境寧謐因之戶口日增風俗  
日厚氣運日隆文明日起咸沐我

國家重熙累洽之仁以臻斯美况值廟學開新諸士  
子應運奮興以躋政和紹興淳熙之盛不又在矣

自明則是志之修也洵足爲考古者得失之林將  
繼今而更者不患交獻之無徵由是因地以成化  
隨俗而致理劃井分疆經文緯武按籍而稽易易  
也若夫議興革酌損益變通隨時經權合宜端有  
待於後之君子書旣成上之

學憲董公公曰可上之

憲府遲公公曰可證之諸大夫國人咸曰可予濫  
竽典邑職有專責遂授之梓以永其傳同事纂修  
者予所徵鄰邑永豐明經宋玉朗同相編次者學  
博程衛同與叅訂者則有浙鄞太學費式僖吳嚶

南康縣志

申序

三

庠士錢頎等例得並書

康熙四十九年庚寅壯月

吳嚶申毓來謹序

南康縣志舊序

己巳冬余以衰老陳牒乞休束裝待

命之際越春復有瀨上公行歸過南康去令鄧君  
蘭來別並捧冊告曰承乏尹康六載於茲今言  
歸有日矣愧職任無可言稱惟念治邑猶家宰  
邑有志猶掌家有簿家簿不立將田廬眷口衣  
食吉凶以及饗殮器用一切諸繁瑣末由稽覈  
况巡管百里保義黎庶乎用悉心蒐羅訪採耳  
目聞見歷有年所爰集邑紳士若而人分類纂  
輯方謀剞劂吏議忽下落拓行李工料無貲僅

南康縣志

游序

抱稿就正執事白覺可憐唯執事憐而成吾志  
語竟欲泪余考南康縣志纂於明嘉靖迨我

朝康熙十二年陳君暉重修則云兵燹無稽繼尹

申君毓來康熙四十九年續編憾陳志多遺仍  
取嘉靖本增補是舊志尚有殘斷可搜今去申  
未遠也鄧侯裒集全書非文獻不足者比獨不  
解申君爲康賢宰遺政卓卓可紀秩滿日攜刊  
版而去豈重載壓舟抑猶有未能信者恐後人  
口實耶新令葛君淳澗中名進士也余畧叅訂  
稿授之固以東里屬君亦舊令尹之政云爾

嗚乎鄧侯去不忘公情詞可憐奈余匆匆殆踵  
足矣勿使考工雕人闕記各於數千里外歧予  
望之

賜進士出身刑部郎中中憲大夫知南安府事充戊

午科內簾監試官

古閩游紹安撰

南康縣志舊序

夫縣之有志者記也所以記一邑之建置沿革山川分野農桑學校民情物力政教風俗令觀者一覽而如在目前更或缺焉而不修修焉而不詳抑或因陋就簡探虛忘實自稱博雅祇成一家言耳于志何與哉是志之不可不修而修之必慎重乎其人也南康古南楚唐漢以來稱要地自宋迄明多歷年數吾

國家定鼎百有餘載其間物換星移天時人事應載者既不可廢而詳參舊志抄本失次遺闕者更多未脩携李葛君由黃甲而宰茲土遵奉兩江制府通檄興修邑乘而葛君首急斯務未期

南康縣志

寶序

告成以其所輯南康邑志十九卷問序於余余披閱一再見其纂葺簡要考核謹嚴摘詞據事兼綜條貫不媿史才自建邑以迄今茲天文地輿可稽民風土俗可詳政事文章可採庶後之官於斯者有所稽以求治生於斯者有所感以成俗則修廢舉墜之功不誠有補於治道有利於生民也哉余樂觀厥成罔飾固陋特綴數語弁首云

峕

乾隆十七年歲次壬申孟春中憲大夫知南安  
府事長白寶寧題

南康縣志

寶寧

二

南康縣志舊序

或曰邑之有志猶家之有譜譜有大宗小宗志有統志省志郡志縣志統志者大宗也省志郡志者別子與繼別之宗縣志者則繼禰之宗也或曰志史之流也其事掌於小史外史二說互叅皆見志乘之匪輕余少讀書牖下於禹貢周禮諸書嘗致意焉蓋久矣知志乘之有自來也歲甲子奉

簡命出宰南康南康據豫章上游漢爲南楚吳爲南安晉曰南康今南康仍前晉也余至其地訪其

南康縣志

郡序

故事杳不可稽而前賢往哲之流風軼事間有存於靈巖古洞間急取縣志閱之悉皆民間繕本字多魚豕其闕不可考者固已多矣卽欲取而新之而一官初服所費不貲何能卒辦爲躊躇者久之會屠維大荒落開府徵志之檄適至而郡伯游使君殷殷屬意爰集邑之師儒老宿語之曰南康秀峯壁立九日稱靈蓉江蕉水之勝實產賢哲田思孟陽孝本之高風王時習蔡彬張翼劉雙峯輩之才品文章他如來儀之忠和甫之孝邦鎮正誠用中之宦蹟其蔚蔚彪炳

千古者又未易更僕數也志乘可不急與諸君子曰諾已而復商於諸君子曰凡事端則易任分則易成志載事冗各分一則可乎諸君子曰善乃分厥所事問疇司凡例事攷僉曰蔡君韶清疇司天文僉曰蔡君恒繼疇司地輿僉曰李君逢芹賴君元登李君逢邵疇司營建僉曰王君崇暉李君曰講賴君夢閣蔡君新柏王君聘疇司賦役僉曰王君永選疇司職官僉曰賴君蟠疇司禮樂僉曰儒學張君達俞君蘓疇司選舉僉曰李君逢清疇司祥異僉曰劉君向純至郡伯游使君焉今余奉

召入

覲行將改調未遑刊布然幸纂述已定草創

已成分野占候天道顯然疆域形勝城垣廟社建置沿革地利躍然官師學校選舉賦役人物風俗食貨人事昭然上之軍國之典制下之閭閻之纖細莫不畢具眎昔之殘缺舛謬其相去爲何如耶是固南康之幸而微諸君子之力不及此余心慰矣可無一言以紀之因不揣荒陋勉綴數語以誌余耿耿不忘之意云



禮部進士文林郎知南康縣事桂林鄧

蘭撰



南康縣志

鄧序

三

南安縣志舊序

今天下

聖聖相承重熙累洽百有餘年暘明昧幽之區道一風同夫何遠邇山川之或間哉然而

宵旰憂勤斟酌損益務使合人情宜土俗者又何其殊塗而同歸也蓋惟仰以觀於天文俯以察於地理知風氣異宜民生其間異尚必深明乎剛柔燥濕之有偏而後能致緩急張弛之中節此職方之述與政典並垂而子長孟堅之流誌其河山郡邑人物行事者代不乏人他若省會

南康縣志

葛序

一

州郡以及百里之邑亦各有成書凡所以同民心而出治道者端有類乎此也江右南康縣爲南安之次邑唐宋以還或分或合沿革不一大都莫盛於宋代莫衰於明季方其盛也衣冠文物霞蔚雲蒸及其衰也寇盜兵燹獸奔鳥竄卽斯邑之盛衰而政治之升降居可觀已

本朝定鼎之初勞來安集人懷故土之思浴沐作新之化爰居爰處以生以長仁育義正涵濡於百年之間迄於今士也橫經農也負耒商賈百工各安其業豈復有歎鴻雁而嗟星鬻者乎歲

在己巳冬杪余承乏斯邑檢閱舊志思舉夫人情土俗之所係因勢而利導之迨時至事興於催科則見夫惟正之供已薄其稅斂焉果若何而使不後國課不傷民力以安上而全下乎於訟獄則見夫一成之法已極於明允焉果若何而使克遵成憲無忝協中卽革面而洗心乎於校士則見夫菁莪棫樸遐不作人說禮樂而敦詩書徵文考行果若何而不爽衡鑒乎於編丁則見夫休養生息民惟邦本勤作息而慎術業厚生正德果若何而不負撫字乎且於是志之

屢修而見田疇日以闢戶口日以增才俊日以茂行習日以正又若何而致陰陽和風雨時俯仰足仁讓興而無一夫之不獲乎方恐恐焉徒有循分供職之名初無承流宣化之實而深媿此志之警於前也古云無於水鑒當於民鑒志之時義大矣哉今郡伯

寶公蒞任教養有加士習民風蒸蒸日上因念邑乘有關治道每進淳而訓諭使速成之淳承斯命不敢怠緩見夫志之修已閱歲年其當續爲搜緝者未易更僕數前令鄧君旁徵博採屬

稿已定前太守

游公衡類折衷潤色有加業彬彬乎質有其文  
矣乃因其未竟之緒爲之編次旋集衆力而鐫  
之其視舊製卽不敢謂變本而加厲亦庶幾繼  
長而增高余旣得從諸君子後而觀其成且俟  
後之官斯土繹斯志者藉以觀物察理因地制  
宜咸仰副

聖天子之久道而化成卽天下以驗之一邑卽一邑  
以通之天下而謂斯志之未始無資於是也是  
則余之厚幸也夫是則余之厚望也夫

南康縣志

葛序

三

賜進士出身

特簡江西南安府南康縣文林郎事庚午科文武鄉  
試同考官

秀水葛

淳頤首拜撰

南康縣志

凡例

一志本三通分門別類以括囊事實上而天文則有星野氣候下而地理則有山川疆域城池公署申而人事其政行於上者則有祀典學校賦役兵衛秩官選舉諸條其化及於下者則有風俗物產人物列女以至藝文古蹟等類皆據事直書足垂炯鑒於將來者前志次序甚當今因其舊

一事曰積日多有增無損一定事典固不可刪卽藝文中有過冗者亦前人手著未便輕易且一邑典故所存與其闕而無考何若詳而有徵也

南康縣志

卷之首 凡例

一

一祥異舊志列星野之後以其中有天文故也然人事物類皆載其中以之先祀典等條殊覺失倫省志則在古蹟之前觀洪範庶徵列於五事八政後亦人道邇天道遠之意則次列宜倣省志

一祀典省志先載

文廟縣志則登學校首雖學不爲祭然尊聖卽重道且學校興廢基址深濶以及學租數目皆同一事分載殊難分析仍循舊志但其中講院十三條殊非祀典今移附公署後

一驛鹽省志有專條縣志驛站附在田役亦略而不詳鹽則並不載入豈向有抑銷之苦故去其藉耶今宿弊盡除是乃國賦所關且日用不可闕其引目多寡似不容略茲併摘附田役之條以鹽課亦賦稅類也

一釋道方技省志有之縣志舊闕釋道原屬左道自不應載且既有寺觀何用別列至方技雖非異教而專精者難得未可濫登舊志載畫月有盈虛之象畫雀有羽飛之奇殊不可信其醫生張無煩記所載袁天罡女授藥方及配廣利王愛女事尤屬南康縣志

卷之首

凡例

二

荒誕概從刪去不使貽惑人心

一列女向祇載曾受

旌表者餘則不多志但有無力者有不知振例者致朝廷大典不得多邀守節數十餘年竟湮沒不彰無以勵將來茲照省定章程在縣呈報合例者概登乘志并附採訪姓名以見表揚之不妄云

一藝文舊志以作者之先後分次第殊不從類有以傳夾入記序中者有以列女並士大夫傳者辨別似淆茲則分門聯錄記序碑傳詩雜體使各歸一類則眉目更爲清新

一各處田產如學校津梁向亦偶載殊多不詳日久恐無稽查茲則縷列細目雖體涉繁鎖然學校無廩餼非養士之典津梁少工費多病涉之艱所關殆非淺鮮故不惜纖屑記之庶垂久遠焉

一古蹟歲久易湮有以人傳者有以地傳者又有以事傳者皆興廢得失所由徵一亭一閣固不足爲輕重然前人遺跡所寄亦足令人興起况有關一邑利害者如社學社倉之類雖未必盡如其舊亦當存其典據以爲餼羊維禮之助

一雜志向來多載瑣務如大平廣記之類而於本邑南康縣志

卷之首 凡例

三

之治安先哲之經濟殊闕今採錄府志將王陽明公奏疏編入雖事不專在康邑而康邑之所以安枕實由於此酌水思源烏容弗志且足長人才猷韜略而克儉之徒見如此猖獗終歸剪滅亦可爲後來之戒云

一康邑自宋以後學校丕興人文蔚起賢俊代不乏人茲乘中所載殊覺寥寥殆採訪有遺抑太璞不肯自炫致使下壁隋珠終韞山泉續而增之苟有望於將來

一舊志全書聯寫編如一幅固志體之常法然續修

必重開梓工費浩繁茲分類各書板片猶存尚堪  
仍舊

一較對頗難古人常比之掃落葉隨掃隨來茲乘雖  
遞經對勘而亥豕魯魚之誤恐終不免披覽者幸  
恕疎忽



南康縣志歷修職名

明

嘉靖三十二年

鑒定

南安府推官洗沂

南康縣知縣曾迪

纂修

戊戌科進士邑人劉昭文

纂輯

生員賴資錦陽曜吳學夔

南康縣志

卷之首 職名

一

國朝

康熙十三年

鑒定

南安府知府李世昌

纂修

南康縣知縣陳暉

纂輯

歲貢生王家珙郭民鉉

生員郭良工蔡鯨

郭建勳 蔡國藻

較訂

生

員賴士雋 陽榮琳 陽之驥

王宜潤 蔡國覲 李用梅

王尚三 王宏璧

康熙四十九年

鑒定

南安府同知署本府事遲維璽

掌修

南康縣知縣申毓來

南康縣志

卷之首

職名

二

協修

南康縣儒學教諭程衛

訓導梅慰杜

相安巡檢司董子音

纂修

吉安永豐縣貢生宋玉朗

較訂

浙江鄞縣國子生費式儔

江南嘉定縣學生錢順

邑人纂輯

乙酉科舉 人林必儀

戊子科舉 人黃瑋

歲貢 生李應秀 陽學易 謝希安

王廷蒂 李文芳 盧之驥

周冕 王崇幹 賴士燁

王時中 郭良梓 王曰澤

蔡于謙

生 員吳肇芝 郭新銘 李之芹

祭志霖 林作樑 盧大川

王夢簡 袁為標 王永選

南康縣志 卷之首 職名 三

朱文鳳 黃成勳 賴萬岸

李上晉

乾隆十八年

鑒定

南安府知府游紹安

南安府知府寶寧

自掌修

南康縣知縣鄧蘭

南康縣知縣葛淳

分修

南康縣儒學教諭張達

南康縣儒學訓導俞蘇

南康縣儒學訓導吳斤桂

纂修

臨川縣儒學廩生陳之蘭

邑人採訪兼纂輯

壬戌科進士蔡韶清

壬子科舉人王永選

丙辰科舉人蔡峻

戊午科舉人王崇暉

南康縣志

卷之首

職名

四

癸酉科順天舉人李逢清

壬子科武舉李日講

副貢生盧琴

拔貢生賴蟠 李逢芹 賴元登

李逢邵

恩貢生李文蓮

歲貢生蔡恒繼 王濟時 盧大楫

朱文淵 賴建柏 郭宏謨

蔡新柏 謝恩薦 王聘

盧大濬 幸國謨 明起蛟

廩膳生員李日份 林枝秀 王沂

李同松

增 廣 生 員劉向純

附學生 員朱時峻 賴夢閣 蔡 簋

儒學生 員賴萬錦 王宣貴 王世祿

國 學 生李日諭 劉忠昇 商永宦

葉 翹 賴雲臺 蔡新楷

朱錫衍 朱高蘭 曹顯邦

賴恒苑 何嘉深 許廷標

朱紹熹

南康縣志

卷之首 職名

五

校字

儒 童陽永棠 賴恒詠

南康縣志續修職名

道光三年

鑒定

南安府知府銘 息

掌修

前任南康縣知縣劉繩武

南康縣知縣王雅南

協修

南康縣教諭彭志熙

南康縣訓導周學坡

南康縣志

卷之首

職名

六

鑒修

癸卯舉人國子監學正盧鎮茂

優貢原任萬安學訓導李日偉

附貢生候選縣丞謝學任

纂修

乙卯進士原署江蘇高郵州知州賴相棟

分修兼採訪

歲貢生候選訓導洪翰

歲貢生鄉飲正賓王宣珏

歲貢生盧洪廩

歲貢 生洪瑄

歲貢 生李秉鈞

歲貢 生鍾辰

丁郊科舉人揀選知縣謝振鏞

優廩 生李日寬

廩膳 生李高鵠

廩膳 生周玉

廩膳 生盧承澤

附學 生蕭有蘭

增廣 生賴煦

南康縣志 卷之首 職名 七

彙輯兼採訪

廩貢生原署贛縣學教諭賴恒倬

辛巳科舉人揀選知縣李日賓

拔貢 生盧洪恂

拔貢生原任袁州府學訓導謝振璣

拔貢 生盧洪造

拔貢 生盧才元

歲貢 生李日瓊

歲貢 生王國蘭

增貢生原任公安縣縣丞董建輝

武舉揀選衛千 總廖鎮三

廩膳 生熊藻

廩膳 生李同祥

廩膳 生藍啟瓊

廩膳 生張煥

增廣 生李宗誥

增廣 生何日新

增廣 生劉元綱

附學 生陽東

附學 生郭肇淇

南康縣志

卷之首 職名

八

附學 生林正椿

附學 生王綸衢

附學 生朱琴

附學生鄉飲正 賓葉逢春

附學 生商啟旭

附學 生朱世繹

附學 生明一輪

邑庠 生盧元佩

附貢 生張攀桂

附貢 生賴佩蘭



附 貢 生盧俊瑤

國 學生考 授州 同鄧家浩

從 九 銜李日宗

從 九 銜盧掄元

從 九 銜幸廷桂

國 學 生范萬琳

國 學 生謝振模

國 學 生鍾傳遠

校字

優 廩 生賴 封

南康縣志

卷之首

職

九

附 學 生蔡元亨

書錄

儒 童李同遂

儒 童吳廷奉

南康縣志目次

卷之一

圖說

星野附氣

沿革

卷之二

形勝

山川

疆域附鄉

城池附坊

南康縣志

卷之首 目次

卷之三

學校附書

卷之四

祀典

公署

卷之五

賦役附驛

卷之六

儲恤

水利



津梁附道

卷之七

風俗

物產

兵衛

武事

封爵附地

卷之八

秩官

卷之九

南康縣志

卷之首 目次

二

選舉進士舉人

卷之十

選舉歲貢職貢

卷之十一

選舉武舉職監 採考

卷之十二

名宦

人物

卷之十三

列女

卷之十四

祥異

古蹟

塋墓

寺觀

卷之十五

藝文 記

卷之十六

藝文 碑

卷之十七

南康縣志

卷之首

目次

三

藝文 序

卷之十八

藝文 雜體

卷之十九

藝文 男傳

卷之二十

藝文 女傳

卷之二十一

藝文 詩上

卷之二十二

藝文 詩下 賦

卷之二十三

雜志 上

卷之二十四

雜志 下

南康縣志

卷之首

目次

四





南康縣志

繪圖

縣城朝北圖




三



縣城朝南圖

南康縣志

繪圖



縣衙圖

四



南康縣志

繪圖

六

山鯉魚塔

閣春

明倫堂


先師廟

大成門

櫺星門

學署 陳公祠

西水




南康縣志

旭升書院圖

繪圖

七



南康縣志卷之一

星野志

周禮保章氏以星土辨九州而分野昉焉然以十  
二國分配二十八宿則太泥至春秋所載史墨梓  
慎之徒凡星變必以地事應之亦多出事後附會  
第人事所感上應天象理或有之必謂躔度自然  
無與於人適爲不畏天變者藉口甚至長星勸汝  
一杯酒且以太白爲渴入井尙何所忌憚哉况武  
侯以邊陲應將星子陵以匹夫應客星感召之機  
若影響然敬天無敢戲豫勿謂一隅之地無關修

南康縣志

卷之一 星野

省也今將康邑舊志所載臚列於左

黃帝分星次斗十一度至婺女七度曰星紀於辰在  
丑

西漢天文志斗江湖牽牛婺女揚州地理志吳地斗  
分野

晉天文志自南斗十二度至瀕女七度爲星紀於辰  
在丑吳越之分野屬揚州豫章一斗十度

唐天文志吳星紀初起斗九度中斗二十四度終女  
四度

宋天文志天市垣二十二星東西各十一星其東垣



南第六星曰吳越

元志斗四度三十六分六十六秒外入吳越星紀之次

明史天文志吳分野斗牛在丑自斗三度至女一度屬吳越分揚州

明一統志南安天文斗分野

明類書天文南安禹貢揚州之域星紀斗分

按周禮鄭註春秋左傳綿文耀鉤元命包爾雅星經天官書漢晉隋唐宋元天文志星野甚悉皆以星紀直揚州揚州南地星紀北宿似不相

南康縣志

卷之一 星野

二

值而云然者蓋地支之位爲丑丑之精氣行乎天者爲星紀之次爲斗牛女之舍占天者以其氣之行乎天推其所主之分野非以揚州之著乎地者而推之也地形方而靜天體圓而動其精光之所射各有其處理或然耳乃唐僧一行謂星紀當雲漢下流百川歸焉故其分野自南海下流窮南紀之曲東南負海爲星紀則吳越若相值也然漢志云吳地斗分野越地牽牛女分野豫章吳也一行以甬斗在雲漢下流當淮海間爲吳分牽牛去南河浸遠自豫章迄會稽

南踰嶺徼爲越分則疆域舛矣且十二辰次各得天度三十度三十分之十有三分有奇無贏縮也今考星紀度數漢志引黃帝分星次起斗十一度訖女七度蔡邕起斗六度訖女二度皆得二十九度費直起斗十度訖女五度唐書起斗九度訖女四度晉志起斗十二度訖女七度皆得二十八度是星紀於一辰應得之度數爲少一二度也皇甫謐起斗一度訖女七度得三十九度是星紀於一辰之度數爲多八度半有奇也邛何不均之甚耶晉志以豫章入斗十度

廬江斗六度九江斗一度以爲范蠡王詡張良諸葛亮譙周京房張衡陳卓皆云然而星紀之次乃起斗十三度則星紀析木各得斗度之半豫章與廬江九江當入析木之津矣惟元郭元敬起斗三度七十七分八十五秒訖女二度六分三十七秒則斗牛正在星紀之次吳越亦當斗牛之分而各辰度數皆均庶幾近之然江西古吳地旣入斗分則析斗之度數以分配江西諸郡縣亦當自有說而西江通志祖龔斡分星之說而推之謂南安屬斗四度此亦臆度無據

之說也夫九江至南昌二百餘里而遂差九度  
九江至南安千有四百里而僅差三度九江斗  
一度至南安斗四度爲自北而南南安斗四度  
至南昌斗十度又自南而北抑何顛倒錯亂理  
不可通耶南康祇南安四縣之一又將何以分  
之總一言以蔽之曰分野之說不足信而已

附分野之說不足信論

陳之蘭

天體渾一而不可

分必據其可分者以分之故歷家隨日月所經卽  
恒星之大而著者分天爲十二辰二十八舍然後  
度數可稽日月之食可逆推而得分至啟閉之節

南康縣志

卷之一

分野

四

可辨乃可以閏月定四時成歲以此授時而敬天  
勤民之道於是乎達蓋歷法分天非以分地也天  
人相與之際一呼一吸常默而通之治亂得失之  
變事具於地而氣通於天天垂象見吉凶必有人  
事以召之日星之變雖在一舍乃天之全氣所呈  
豈以一辰應一方隅哉分野之說始於保章氏以  
星土辨九州然書經秦火周禮亦半出漢儒附會  
凡封國皆有分星必非周公之言也卽如其言以  
星土辨九州豈以星土辨十二國乎周初千八百  
國在天一度當轄五國在天一辰當轄百五十國



何十二之云也周公時未有鄭至宣王而始封秦  
初時爲附庸三晉之先始封爲唐不過百里如分  
野果周公之言安得以春秋戰國時國當之且卽  
以州言在天一辰得三十度三十分之十三分有  
奇豫州不滿千里而配大火楊州延袤六千里而  
亦止配星紀天之度無贏縮而地之理有廣狹何  
不均之甚乎周之建國在雍州說者以爲鶉火分  
野秦得周地而不居鶉火之名周遷居洛而不改  
鶉火之寶邛又何說唐僧一行求星土之說不可  
得乃以雲漢首尾辨兩戒山河首尾據天下形勢

配合二十八舍以分野其言甚辨自西漢氏司歷  
之法起而兩戒之說遂爲荒唐至若以始封之日  
歲星所在爲分野隨人所指轉徙無定非天地自  
然不易之數其說爲尤謬也凡信分野之說者以  
其地事應之驗信之而事應之驗昉於左氏春秋  
皆從事後率合而曲爲之說耳魯昭公十七年有  
星孛於大辰梓慎知四國之火蓋緣明年宋衛陳  
鄭災而附會之也大辰火房宋鄭皆大辰之墟猶  
爲有說衛爲姬訾無可說矣乃謂營室爲水水爲  
火牡故亦當火此其理豈可通乎且神竈言今此

不讓鄭當再火則固已不驗矣宋嘗遇熒惑守心  
熒惑火星心爲火房必若梓慎之言星孛火房而  
四國災何以火守火房而宋不火也前此文公十  
四年有星孛於北斗七年間宋齊晉之君皆見弒  
豈可謂宋齊晉北斗分野耶後此哀公十三年有  
星孛於東方未幾而越滅吳吳爲斗分乃地方七  
宿之首何以孛於東而北受其禍也昭公三十  
一年十二月辛亥朔日食在龍尾史墨謂六年此月  
吳當入郢此蓋因吳柏舉之捷三戰入郢而附會  
之也龍尾非楚分而史墨迂其說於庚午之日日

始有謫楚野在午楚敵惟吳以此推之夫庚午在  
辛亥前四十一日日未嘗食胡謂有謫且楚爲鶉  
尾周爲鶉火鶉火午分鶉尾巳分其應宜在周而  
不在楚乃周無事而楚獨受其禍此其說之不通  
亦已明矣昭公三十二年歲在星紀吳伐越史墨  
謂越得歲而吳伐之必受其凶不出四十年吳當  
亡此蓋因後此三十八年越滅吳而附會之也宋  
王偃敗齊楚魏之兵而國亡不聞歲在元枴鶉尾  
大梁而宋伐之吳自取滅由於驕恣與王偃等豈  
闕是歲伐越之故乎春秋紀災異使人思其所自

用知警懼退自修省人事正於下則天道順於上  
耳聖人不言事應豈無事應哉必據分野之說求  
其地之事應以實之則十之九不驗而恐懼修省  
之意怠也事應既不驗則封國皆有分星其言決  
未可信余觀周禮一書卽建國定賦之大端與孟  
子相乖刺者不少又不但星土辨九州不足信而  
已其出於漢儒附會無疑也或曰子不信分野之  
說雷煥何以知劍之在豐城曰張華乃好事人博  
物志殊多虛誕此必雷煥爲豐城令見獄中寶光  
掘之得雙劍以其一與華遂造爲斗間紫氣引煥

共視知劍在豐城語以明劍之足寶是亦博物志  
之類也安得據此以明分野之說必足信乎國僑  
曰人道邇天道遠孟子曰盡信書則不如無書不  
明斯義者不可與通論今古但志書例紀星野固  
當博採羣籍並存衆說以備後人稽考耳

氣候志附

太極一元之氣無分南朔東西而地氣則不同雍  
冀高燥荆揚卑濕東南多風多暑西北多陰多寒  
剛柔華樸風氣使然也一都一邑間亦有異故必  
物土之宜而布其利濕也則種黍稻暑也則植紵

葛柔裁之以義則柔而不懦樸導之以禮則樸而不陋是乃因其利不違其性順其美不防其過以養以教胥於是乎在居斯境官斯土者幸毋視爲適然而忽諸

南康在春秋時屬吳故氣候於江南爲近入春多陰雨間有霜雪氣寒不減隆冬二月後乍暖乍寒晴霽日少春夏之交淫雨動經浹旬至孟夏稍歇五月漸迫於暑三伏炎啟鬱蒸入秋彌烈白露旣降暑漸退九月涼風至十月微霜然日暖風和蜂蝶出遊草木小有萌蘖三冬多晴不甚苦寒歲雪霰

南康縣志

卷之一

氣候

八

或一二作深不盈尺池偶凍而冰不壯蓋燠多寒少南贛兩郡類如此郡志云瘴癘山谷有之南康地勢厥闢無山嵐故鮮瘴癘視郡屬之他邑又有間云

沿革志

考蓋堅地理志南埜始見正史三國置南安縣晉改南安爲南康隸江州隋唐隸虔州迨宋淳化初置南安軍而縣隸之始無改易至明正德間析隆平尙德二里以益崇義雖古今幅員不同因時變制自具深心如明季王陽明公奏准析里益崇當其時非惟割損疆隅而築城之後糧餉之費皆派給於康財力亦云殫矣然未設崇之先桶岡諸峒蹂躪各境毒流康邑尤甚今數百年來無草竊寇攘之警人以爲固然孰知前人更革之遠猷也茲

南康縣志

卷之一

沿革

一

綴諸史地理州郡志爲經以明一統志名勝志爲  
編詳列沿革之由

南康縣卽古南埜縣

虞舜肇十有二州置十二牧地屬揚州

夏禹制貢分九州仍屬揚州

周武王十三年亡郊始克商求泰伯仲雍之後得仲  
雍孫周章已繼君吳而封爲子有吳故地元王四  
年己巳越王勾踐滅吳地屬越顯王三十五年丁  
亥楚王熊商滅越地歸楚

秦始皇二十五年己郊滅楚明年庚辰分天下爲三

十六郡以楊州置三郡鄣會稽九江地屬九江郡  
漢高帝元年乙未楚項羽立英布爲九江王王九江  
郡四年戊戌改九江郡爲淮南國地屬淮南六年  
庚子分淮南置豫章郡領縣十八南埜縣爲邑之  
所由始今大庾上猶信豐龍南地皆其縣境云  
東漢獻帝初平二年孫策據江南分豫章地至廬陵  
郡屬廬陵

三國吳嘉禾五年分廬陵地置南部都尉復分南埜  
地置南安縣南安名始此

晉武帝太康元年平吳改南安縣曰南康縣南康名  
南康縣志

卷之一

沿革

二

始此三年罷都尉立南康郡而縣屬之東晉永和  
五年移郡城於章貢二水間縣屬如舊元康元年  
割南康郡隸江州都督府

南宋改南康國而南埜隸焉

齊復爲南康郡隸江州

梁仍南康郡隸江州

陳仍南康郡隸江州

隋開皇元年初置大庾鎮九年改南康郡爲虔州十  
六年併大庾鎮爲南康縣地大業元年改虔州復  
爲南康郡而縣屬之

唐武德五年平林士宏復改爲虔州七年以虔州爲  
大都督府統領外十一州九年廢貞觀元年分虔  
州隸江南道永淳元年析南康東南地置南安縣  
卽今之信豐神龍元年陸大庾鎮爲大庾縣俱屬  
縣見一統志虔州天寶元年復改虔州爲南康郡乾元二年又  
復改爲虔州縣仍屬之貞元四年析雩都爲安遠  
郡凡領縣有七而南康其一焉五代間爲楊李所  
據後唐同光二年知虔州黎求割南康西南隅地  
置上猶場長興二年改安遠爲招信軍南唐保大  
十年始置上猶縣俱屬招信軍

南康縣志

卷之一

沿革

三

宋開寶八年平江南邑仍屬招信軍淳化元年始置  
南安軍於大庾而南康屬之

元始祖至元十三年改南安軍爲南安路縣屬如故  
順帝至正二十一年爲僭竊蕭招討僞屬張同僉  
所據二十五年乙巳春常遇春平之

明太祖洪武元年改南安路爲南安府縣屬之隸江  
西承宣布政使司武宗正德十二年都御史王守  
仁平諸洞寇奏立崇義縣割南康西北隅隆平尚  
德二里以益之邑之郭蔡王陽朱葉李盧凡八姓  
至今猶編戶崇義蓋開縣割隸云

